




Projet promovût di 'La Vôs dai Furlans' e 'ARLeF'

Lu saveviso
che...?



Il carton
de setemane

Tal stadi dai Numaruts e je daûr a tacâ une gnove
partide a scuadris. Ducj i Numaruts a puedin zuiâ,
se a van daûr de regule... ma quale saraie?

Cjalìn insemi la pontade de *I Numaruts*
"La impuartance di fâ scuadre" su




Il panda al è un ors che al vîf
tai boscs intes monts de Cine.
Al è famôs pe sô musute
ninine e pal colôr dal pêl che
al è unic: blanc e neri. Al è
erbivar e al mangje bambù,
rivant a gramolâ cuasi 20
chilograms di çjanis in dì.
Par mangjâ, il panda si met
sentât e al dopre lis çatis, che
a àn 6 dêts. Rispiet a chei
altris ors, cheste specie no va
in letarc e e sielç di rimpinâsi
sù pai arbui invezit di prontâ
un landri.

Cumò fâs tu!

Cjale ben e rispiunt: trops pandas viodistu in chest dissen?
E trops sono chei voltâts di schene?



Pontut par
pontut... e piture!



Ridi
a plene
panze!

Siore Panda i domande al so om:
"Doman invidîno a cene i vicins di cjase?"
"No ai propit voie!" "Uff... Tu sês propit un ors!"

Pagjine curade
dal Sportel Regionâl
pe Lenghe Furlane de



Vuelistu tornâ
a viodi lis pontadis
di Maman!? **Cirilîs su**



ANCJE
'ON DEMAND'
SU **telefriuli**

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS
Noa




Roc. Se tu rivis a
puartâ a cjase un biel
risultât, tu viodarâs
che ancje chei altris a
rivin di rive jù.



Gjambar. Sul lavôr
tu âs plui di cualchi
fastidi, ma ti fasin
dome imberdeâ i
pinsîrs tal cjâf.



Balance. Meti in
bande la braûre nol
è semplic par nissun,
soredut par te.



Bec di mont. Par fâ lis
robis fasiti judâ dai
amîs, ma prime di dâ
ordins cîr di scoltâ di
lôr cualchi consei.



Taur. Ti plâs stâ cidin,
ma par une cuistion
impuartante
tu âs di fâ sintî
la tô vôs.



Leon. Cîr di jessi te
stes, cence lâ daûr
a ce che chei altris a
vuelin che tu sedis.



Sgarpion. In amôr
alc si sta movint,
ancje se no tu sâs di
precis ce: lasse fâ al
timp.



Agarûl. Pierdi timp
nol è simpri un
mâl, parcè che ti
da la pussibilitât di
pensâ miôr su cierts
rapuarts.



Zimui. Ti oblearan
a fâ une robe che no
ti plâs, ma la vite no
je dute e dome fate
di garofui.



Vergjine. Inte
agjende dal cûr
tu âs za cetantis
cuistions viertis,
no covente zontâ
une di plui.



Sagjitari. Cjalâsi
indaûr al po coventâ
par tornâ a leâ
rapuarts cuntune
persone lassade
pierdi.



Pes. Fasint une robe
che ti plâs une vore,
tu viodarâs che il timp
al passe intun colp.